



SLUŽBENI GLASNIK

OPĆINE BUŽIM

Godina XXIII – Broj 2	20. 03. 2018 BUŽIM	Izdanje na bosanskom jeziku
-----------------------	------------------------------	--------------------------------

31.

Na osnovu člana 24. Statuta Općine Bužim („Službeni glasnik općine Bužim“, broj: 12/15), i člana 118. stav 3. Poslovnika o radu Općinskog vijeća općine Bužim («Službeni glasnik općine Bužim», broj: 3/16), Općinsko vijeće općine Bužim, na XIV redovnoj sjednici održanoj dana 19.03.2018.godine, usvojilo je:

Z A K L J U Č A K

**o usvajanju Informacije o stanju
poljoprivrede na području općine Bužim u
2017. godini**

I

Usvaja se Informacija o stanju poljoprivrede na području općine Bužim u 2017. godini broj: 02/3-24-141/18 od 15.01.2018. godine.

II

Zaključak stupa na snagu danom donošenja, a objavit će se u Službenom glasniku općine Bužim.

Broj: 01-24-141/18

PREDSJEDAVAJUĆI

Bužim, 19.03.2018

OPĆINSKOG VIJEĆA

Safet Ljubijankić, s.r.

32.

Na osnovu člana 32a. stav 2. tačka 1) Uredbe o jedinstvenoj metodologiji za procjenu šteta od prirodnih i drugih nesreća ("Službene novine FBiH", broj 75/04., 38/06., 52/09. i 56/09.) i člana 132. Statuta Općine Bužim ("Službeni glasnik Općine Bužim", broj 1/15.), na prijedlog Službe civilne zaštite i vatrogastvo, Općinski načelnik općine Bužim, donosi:

ODLUKU

o procedurama, uslovima, kriterijima i prioritetima za saniranje šteta nastalih djelovanjem prirodnih i drugih nesreća na području općine Bužim

I OPĆE ODREDBE

Član 1.

Ovom Odlukom se uređuju procedure, uslovi, kriteriji i prioriteti za saniranje šteta nastalih djelovanjem prirodnih i drugih nesreća iz sredstava Općine Bužim (u daljem tekstu: Općina) koja se osiguravaju za te namjene u budžetu i iz sredstava viših nivoa vlasti, koja se u vidu jednokratne novčane pomoći - granta, dodjeljuju Općini za saniranje šteta.

II SREDSTVA ZA SANIRANJE ŠTETA

Član 2.

Sredstva za saniranje šteta osiguravaju se:

1. U Budžetu Općine, u skladu sa članom 179. Tačka 1. Zakona o zaštiti i spašavanju ljudi i materijalnih dobara od prirodnih i drugih nesreća ("Službene novine Federacije BiH", broj 39/03., 22/06. i 43/10.), u daljem tekstu: Zakona o zaštiti i spašavanju.

2. Na osnovu člana 180. Zakona o zaštiti i spašavanju, iz sredstava koja pripadaju Općini, i to

najviše u iznosu do 40% sredstava prikupljenih tokom kalendarske godine, i do 20% ukupno raspoloživih sredstava za zaštitu i spašavanje prikupljenih u prethodnim godinama (sredstva za koje nije određena namjena ili donesena odluka o utrošku), kako je to predviđeno tačkom VI stav 2. Odluke o uslovima i načinu korištenja sredstava ostvarenih po osnovu posebne naknade za zaštitu od prirodnih i drugih nesreća ("Službene novine Federacije Bosne i Hercegovine", broj 4/12 i 80/13), u daljem tekstu: Odluka o korištenju sredstava zaštite i spašavanja.

3. Jednokratna novčana pomoć - grant od viših nivoa vlasti, po osnovu:

- člana 183. stav 1. tačka 5) i člana 182. tačka 4) Zakona o zaštiti i spašavanju, u skladu s tačkom V i VIII Odluke o postupku i kriterijima za dodjelu jednokratne novčane pomoći općinama i kantonima za otklanjanje šteta nastalih od prirodnih i drugih nesreća ("Službene novine Federacije BiH", broj 60/06. i 8/10.)

4. Člana 183. stav 1. tačka 8) i člana 182. stav 1. Tačka 6. Zakona o zaštiti i spašavanju, u skladu s kriterijima iz poglavlja III član 10. i 11. Odluke o postupku i kriterijima za dodjelu pomoći općinama Unsko-sanskog kantona iz sredstava posebne naknade za zaštitu od prirodnih i drugih nesreća ("Službeni glasnik Unsko-sanskog kantona", br. 11/13.), u daljem tekstu: Odluka o postupku i kriterijima Unsko-sanskog kantona.

5. Sredstava pravnih lica, osiguranja, dobrovoljnih priloga, međunarodne pomoći i drugih izvora.

III VRSTE ŠTETA

Član 3.

Sredstva iz člana 2. se koriste:

1. Za saniranje direktnih šteta na oštećenim i uništenim materijalnim dobrima svih oblika vlasništva, prema podnešenoj prijavi štete Službi za civilnu zaštitu i vatrogastvo, na obrascu PR-Š - prijava štete od prirodne i druge nesreće, iz člana 25. Uredbe o jedinstvenoj metodologiji za procjenu šteta od prirodnih i drugih nesreća ("Službene

novine Federacije BiH", broj 75/04.,38/06., 52/09. i 56/09.), u daljem tekstu: Uredba, podnesena u roku od 8 dana od dana nastanka prirodne ili druge nesreće.

2. Plaćanje troškova izazvanih direktnim štetama (troškovi nastali u toku preduzimanja aktivnosti na zaštiti i zbrinjavanju stanovništva, zdravstvene usluge, troškovi ishrane i dr.), prema prilogu br. 5. Uredbe.

IV KORISNICI SREDSTAVA ZA SANIRANJE ŠTETA

Član 4.

Korisnici sredstava iz člana 2. tačka 1. mogu biti:

- vlasnici materijalnih dobara kod kojih je nastala šteta iz člana 3. ove Odluke,
- službe zaštite i spašavanja koje provode mjere zaštite i spašavanja ljudi i materijalnih dobara,
- izvođači radova na saniranju šteta, sa kojima je sklopljen ugovor o vršenju usluga u skladu sa Zakonom o javnim nabavkama Bosne i Hercegovine ("Službeni glasnik BiH", broj 39/14), i
- druge općine kojima se može dodijeliti pomoć iz sredstava Općine Bužim navedenih u članu 2. Tačka 3. ove Odluke.

V PROCEDURE ZA TRAŽENJE POMOĆI OD VIŠIH NIVOA VLASTI I POTREBNI USLOVI U SANIRANJU ŠTETA

Član 5.

U skladu sa članom 32a. i članom 33. Uredbe za saniranje šteta koriste se sredstva planirana u Budžetu Općine iz člana 2. tačka 1. i 2. ove Odluke.

Sredstva iz stava 1. ovog člana sastavni su dio planske projekcije Budžeta Općine, a koriste se na osnovu godišnjeg plana korištenja sredstava posebne naknade.

O korištenju sredstava za saniranje šteta predviđenih članom 2. tačka 1. ove Odluke,

odlučuje Općinski načelnik, na prijedlog Općinske komisije za procjenu šteta, formirane Rješenjem o imenovanju komisije za procjenu šteta od prirodnih i drugih nesreća ("Službeni glasnik Općine Bužim", broj: 4/10 i 11/16. u daljem tekstu: Općinska komisija).

O korištenju sredstava za saniranje šteta predviđenih članom 2. tačka 2. ove Odluke, odlučuje Općinski štab civilne zaštite, na prijedlog Općinske komisije i Službe civilne zaštite. Organi iz st. 3. i 4. ovoga člana donose odluke o korištenju sredstava za saniranje šteta.

Član 6.

Općinski načelnik, na prijedlog Općinske komisije, može podnijeti zahtjev za dodjelu pomoći iz sredstava navedenih u članu 2. tačka 3. ove Odluke, ukoliko sredstva iz člana 2. tačka 1. i 2. ove Odluke nisu dovoljna da se izvrše zadaci na hitnom spašavanju ugroženih ljudi, odnosno za saniranje svih šteta nastalih od prirodnih ili drugih nesreća važnih za stvaranje osnovnih (neophodnih) uslova za život ljudi na ugroženom području.

Zahtjev se podnosi putem Kantonalne uprave civilne zaštite Vladi Unsko-sanskog kantona, odnosno Kantonalnom štabu civilne zaštite, na način propisan članom 9. i 11. Odluke o postupku i kriterijima Unsko-sanskog kantona.

Član 7.

Ukoliko sredstva iz člana 6. nisu dovoljna, Općinski načelnik može tražiti pomoć u saniranju posljedica prirodnih i drugih nesreća iz sredstava navedenih u članu 2. tačka 3. ove Odluke.

Zahtjev za pomoć se podnosi, pod uslovom da je Kantonalna uprava civilne zaštite uputila pismeni poziv svim općinama Unsko-sanskog kantona za dodjelu pomoći, na način utvrđen u članu 10. Odluke o postupku i kriterijima USK-a.

Saniranje šteta iz raspoloživih sredstava navedenih u članu 5., 6. i 7. ove Odluke, vrši se u toku djelovanja prirodne ili druge nesreće i nakon završetka procjene šteta od strane Općinske komisije, po prioritetima saniranja.

VI KRITERIJI I PRIORITETI U SANIRANJU ŠTETA

1. Postupak hitnog saniranja šteta i prioriteta sanacije šteta u toku djelovanja prirodne nesreće

Član 8.

Provođenje hitnih mjera u saniranju šteta od prirodnih i drugih nesreća iz raspoloživih sredstava navedenih u članu 2. tačka 1. i 2., tačka 3. i tačka 4. ove Odluke, vrši se prema prioritetima u toku djelovanja prirodne ili druge nesreće, i to za:

- provedbu evakuacije ljudi i materijalnih dobara,
- prihvatanje i zbrinjavanje ugroženog stanovništva i imovine,
- osiguranje saobraćaja i drugih mjera za zaštitu i spašavanje ugroženih ljudi i materijalnih dobara, i
- sprečavanje širenja opasnosti od nepogoda i njihovih posljedica.

Prioritete za saniranje šteta iz člana 8. ove Odluke, u toku djelovanja prirodne ili druge nesreće, u skladu s raspoloživim sredstvima iz člana 2. tačka 2. i tačka 3. ove Odluke, utvrđuje Općinski štab civilne zaštite, na prijedlog Općinske komisije i Službe civilne zaštite Općine Bužim.

Prioritete za saniranje šteta iz sredstava navedenih u članu 2. tačka 1. ove Odluke, utvrđuje Općinski načelnik, na prijedlog Općinske komisije, na osnovu prve preliminarne štete iskazane na obrascu PR-Š-1 – preliminarne procjena štete za općinu za traženje pomoći za hitne intervencije iz člana 25. stav 3. tačka 2) Uredbe.

Član 9.

Prioriteti za čije finansiranje se traži pomoć viših nivoa vlasti, iz člana 2. tačka 3. ove Odluke, određuju se u zahtjevu za dodjelu pomoći, u skladu sa članom 10. Odluke o postupku i kriterijima Unsko-sanskog kantona i tačke V Odluke o postupku i kriterijima Federacije BiH.

Odluku o korištenju sredstava prema prioritetima navedenim u zahtjevu iz prethodnog stava, donosi Općinski štab civilne zaštite, a realizacija

finansijskog plaćanja se vrši tako što nalog za plaćanje potpisuje Općinski načelnik.

2. Postupak saniranja posljedica i prioriteta sanacije šteta nakon procjene šteta usljed djelovanja prirodne ili druge nesreće

Član 10.

Provođenje mjera za ublažavanje i otklanjanje posljedica prirodnih i drugih nesreća, nakon procjene šteta vrši se, prema prioritetima, i to:

- provedba zdravstvenih i higijensko-epidemioloških mjera (dezinfekcija, dezinsekcija i deratizacija),
- provedba veterinarskih mjera zaštite i mjera zaštite odbiljnih bolesti i štetočina,
- organizacija minimuma komunalnih potreba stanovništva utvrđenih u članu 3. Zakona o komunalnim djelatnostima Unsko-sanskog kantona ("Službeni glasnik Unsko-sanskog kantona", br. 4/11. 11/11 i 6/12) do normalizacije života na ugroženom području,
- dodjela pomoći vlasnicima materijalnih dobara kod kojih je nastala šteta, procijenjena od strane Općinske komisije, na način propisan u Uredbi, i
- finansiranje i isplata naknade za rad i neophodne troškove izlaska na teren Općinske komisije, u skladu sa članom 9. Uredbe, u vrijeme angažiranja na procjeni konkretnih šteta na terenu u iznosu koji posebnim propisom utvrdi Općinski načelnik.

Član 11.

Prioritete za saniranje šteta iz člana 10. ove Odluke, nakon procjene šteta, u skladu s raspoloživim sredstvima iz člana 2. tačka 2., tačka 3. i tačka 4. ove Odluke, utvrđuje Općinski štab civilne zaštite, na prijedlog Općinske komisije i Službe civilne zaštite Općine Bužim.

Prioriteti za čije finansiranje se traži pomoć viših nivoa vlasti, iz člana 2. tačka 3. ove Odluke, određuju se u zahtjevu za dodjelu pomoći, u skladu sa članom 10. Odluke o postupku i kriterijima

Unsko-sanskog kantona i tačke V Odluke o postupku i kriterijima Federacije BiH.

Odluku o isplati sredstava prema prioritetima navedenim u zahtjevu iz prethodnog stava, donosi Općinski štab civilne zaštite, a realizacija finansijskog plaćanja se vrši tako što nalog za plaćanje potpisuje Općinski načelnik.

Prioritete za saniranje šteta iz sredstava navedenih u članu 2. tačka 1. ove Odluke, utvrđuje Općinski načelnik, na prijedlog Općinske komisije, a isti su sastavni dio Elaborata - Konačnog izvještaja o procjeni štete iz člana 29. Uredbe.

Odluku o iznosu sredstava za saniranje šteta iz stava 3. ovoga člana, na prijedlog Općinske komisije, donosi Općinski načelnik.

Član 12.

Dodijeljena sredstva iz člana 2. tačka 3. Ove Odluke, koriste se za namjene navedene u zahtjevu za traženje tih sredstava iz odredbi člana 10. Odluke o postupku i kriterijima Unsko-sanskog kantona.

Zahtjev iz prethodnog stava se podnosi u roku od 15 dana nakon što Kantonalna uprava uputi pismeni poziv svim općinama na Kantonu za dodjelu pomoći, u skladu s Odlukom o postupku i kriterijima za dodjelu pomoći općinama Unsko-sanskog kantona iz sredstava posebne naknade za zaštitu od prirodnih i drugih nesreća ("Službeni glasnik Unsko-sanskog kantona", broj 11/13.).

VII POMOĆ DRUGIM OPĆINAMA

Član 13.

Općina Bužim, prema potrebi, u skladu sa članom 184. stav 1. tačka 7) Zakona o zaštiti i spašavanju i tačkom XII st. 1. i 2. Odluke o korištenju sredstava zaštite i spašavanja, iz sredstava navedenih u članu 2. tačka 3. ove Odluke, može pružiti finansijsku podršku drugim općinama, i to za:

- opremanje i obuku štabova civilne zaštite, službi zaštite i spašavanja, jedinica civilne zaštite i operativnih centara civilne zaštite,

- pomoć u saniranju posljedica prirodnih i drugih

nesreća, i

- za udruživanje sredstava posebne naknade sa općinama, kantonima i Federacijom, u zajedničkim projektima razvoja sistema zaštite i spašavanja.

Prilikom dodjele pomoći iz stava 1. ovog člana, Općina Bužim će primjenjivati kriterije utvrđene u tački XII stav 1. Tačka 1. do 6. Odluke o korištenju sredstava zaštite i spašavanja i kriterije iz člana 8. Odluke o postupku i kriterijima Unsko-sanskog kantona.

Odluku o dodjeli pomoći iz prethodnog stava, na prijedlog Službe civilne zaštite, donosi Općinski načelnik.

VIII PRIJEDLOG I SADRŽAJ ODLUKE ZA SANIRANJE ŠTETA U HITNOM POSTUPKU - JEDNOKRATNA POMOĆ

Član 14.

1. Utvrđivanje prijedloga odluke za saniranje šteta u hitnom postupku - jednokratna pomoć

Prilikom utvrđivanja prijedloga odluke za korištenje sredstava za hitne intervencije, Općinska komisija u obzir uzima podatke o potrebi hitnog provođenja mjera i osiguranja osnovnih uslova za život, i to:

- provođenje evakuacije ljudi i materijalnih dobara, na osnovu broja evakuiranih,

- provedbu zbrinjavanja ljudi i potrebu za medicinski tretman (medicinsko zbrinjavanje) na osnovu broja evakuiranih, broja porušenih i broja teže i lakše oštećenih stambenih objekata, odsječenih porodica, broja ljudskih žrtava i broja teže i lakše povrijeđenih i oboljelih ljudi,

- broja porušenih i broja teže i lakše oštećenih infrastrukturnih objekata, broja prekinutih saobraćajnih komunikacija, mostova i drugih infrastrukturnih građevina,

- poduzimanje mjera za sprečavanje širenja opasnosti od nepogoda i njihovih posljedica (čišćenje vodotoka tokom trajanja prirodne nesreće, raščišćavanje, prokopavanje odvodnih

kanala i drugih radnji neophodnih za sprečavanje širenja opasnosti, i

- prvu preliminarnu procjenu štete izraženu u finansijskim pokazateljima i mjerama koje je potrebno hitno poduzimati radi osiguranja osnovnih uvjeta za život ljudi.

Procjenu podataka iz stava 1. ovog člana vrši Općinska komisija odmah po prijemu informacije o nastanku posljedica iz stava 1. ovog člana i priprema odgovarajući prijedlog Odluke o korištenju sredstava za hitne intervencije koju donosi Općinski načelnik i Općinski štab civilne zaštite iz sredstava za koje su nadležni.

Član 15.

2. Sadržaj odluke za finansiranje hitnih mjera – jednokratne pomoći

Finansiranje hitnih mjera vrši se odlukom koja sadrži sljedeće podatke:

- naziv korisnika iz člana 4. ove Odluke,
- iznos sredstava koja se dodjeljuju,
- konkretne namjene (usluge, nabavka roba, angažiranje mašina, izvođenje radova i sl.) za koje se vrši isplata sredstava,
- sredstva - podračun s kojeg se vrši isplata,
- organ zadužen za realizaciju odluke, i
- obavezu dostavljanja izvještaja iz člana 12. stav 2. ove Odluke.

Korisnicima sredstava iz člana 4. ove Odluke, sredstva se isplaćuju nakon obavljanja radnji iz stava 1. ovog člana, po dostavljanju fakture za konkretne radove, usluge, nabavku roba, angažovanje mašina, izvođenje radova i sl., po specifikaciji usluga i drugih radnji.

Specifikacija radova, broj sati rada mašina i ljudstva, mora biti ovjerena od naručioca radova i usluga, za što se može, po potrebi, formirati posebna komisija.

Vlasnicima materijalnih dobara kod kojih je nastala

šteta, pomoć se dodjeljuje u skladu s raspoloživim sredstvima iz člana 2. ove Odluke.

Ukoliko u jednoj mjesnoj zajednici ima više vlasnika materijalnih dobara na kojima je nastala šteta, sredstva se mogu dodijeliti toj MZ, koja je dužna ta sredstva u utvrđenom omjeru podijeliti pojedinačnim vlasnicima materijalnih dobara kod kojih je nastala šteta i sačiniti izvještaj o namjenskom utrošku tih sredstava od strane vlasnika – korisnika sredstava (dokazi: računi o nabavci roba, plaćanju usluga i dr.).

IX PRIJEDLOG I SADRŽAJ ODLUKE U POSTUPKU OTKLANJANJA POSLJEDICA – SANIRANJE ŠTETA

Član 16.

1. Utvrđivanje prijedloga odluke u postupku otklanjanja posljedica – saniranje šteta

Prilikom utvrđivanja prijedloga odluke za korištenje sredstava iz člana 2. ove Odluke na ime saniranja šteta nastalih djelovanjem prirodne ili druge nesreće, Općinska komisija u obzir uzima sljedeće podatke:

1. Štetne posljedice po ljude:

- smrtne posljedice,
- povrijeđeni,
- oboljeli, i
- evakuirani

2. Štetne posljedice po materijalna dobra:

- porušen i oštećen stambeni objekt u vlasništvu građana i objekt u vlasništvu pravnih lica, i
- porušen i oštećen infrastrukturni objekt

3. Štete na drugim materijalnim dobrima (zemljišta, oprema, zasadi, šume, divljač, stoka i dr.):

- visina pričinjene štete iskazana u finansijskim pokazateljima,
- materijalna mogućnost vlasnika materijalnih dobara kod koga je nastala šteta, i

- druge podatke od značaja za normalizaciju života ljudi na ugroženom području.

Općinska komisija procjenu podataka iz stava 1. Ovog 1) člana vrši u skladu sa prioritetima iz člana 8. ove Odluke.

Član 17.

2. Sadržaj Odluke za dodjelu jednokratne pomoći za otklanjanje posljedica - saniranje šteta

Dodjela jednokratne novčane pomoći za saniranje šteta se vrši odlukom koja se izrađuje na način predviđen u članu 15. ove Odluke.

Općinska komisija utvrđeni prijedlog odluke za dodjelu jednokratne pomoći dostavlja na odlučivanje Općinskom štabu civilne zaštite, odnosno Općinskom načelniku, zavisno od sredstava koja se koriste za sanaciju šteta.

X ŠTETE KOJE SE IZUZIMAJU OD SANIRANJA

Član 18.

Prilikom utvrđivanja prijedloga za korištenje sredstva za saniranje šteta, u obzir se ne uzimaju sljedeće štete, i to:

- štete koje nastanu od prirodnih ili drugih nesreća zato što nisu bile poduzete propisane mjere zaštite ili zbog krajnjeg nemara ili zato što je šteta izazvana namjerno,

- posredne štete (izgubljeni prihod zbog neobavljanja djelatnosti u oblasti transporta, ugostiteljstva, trgovine i drugim djelatnostima),

- štete na dugogodišnjim nasadima (voćnjaci i vinogradi), osim u godini štete,

- ako šteta nije prijavljena po postupku i u roku predviđenom ovom Odlukom, i

- štete nastale na objektima koji su izgrađeni bez dozvole ili suprotno urbanističkoj dozvoli i dozvoli za građenje, osim objekata izgrađenih do 23.05.1974. godine.

XI OBAVEZA I ODGOVORNOST KORISNIKA SREDSTAVA ZA SANACIJU ŠTETA

Član 19.

1. Korisnici sredstava iz člana 4. ove Odluke, dodijeljena sredstva mogu koristiti samo za namjene koje su navedene u odluci o dodjeli sredstava i odgovorni su za njihovo namjensko korištenje.

2. Korisnici sredstava iz stava 1. ovog člana, dužni su, u roku tri mjeseca od dana objavljivanja odluke o korištenju sredstava u "Službenom glasniku Općine Bužim, Općinskom štabu civilne zaštite, odnosno Općinskom načelniku, putem Službe civilne zaštite, dostaviti izvještaj o utrošku dodijeljene pomoći.

XII ZAVRŠNE ODREDBE

Član 20.

Odluke o korištenju sredstava za hitne intervencije i odluke o korištenju sredstava za saniranje šteta, objavljuju se u Službenom glasniku Općine Bužim.

Član 21.

Odluka stupa na snagu danom objavljivanja u Službenom glasniku Općine Bužim.

Broj: 02-44-571/18

Bužim, 07.02.2018 OPĆINSKI NAČELNIK

Zikrija Duraković, dipl.ecc, s.r.

33.

Na osnovu odredbe člana 38. stav 1. tačka 6. i odredbe člana 123. Statuta općine Bužim ("Službeni glasnik općine Bužim", broj: 12/15), te člana 19. Odluke o izvršavanju budžeta općine Bužim za 2018 godinu (Službeni glasnik općine Bužim, broj:11/17),te Odluke o raspodjeli i načinu utroška sredstava na ekonomskom kodu 614311-

pozicija grantovi udruženjima boračkih populacija broj:02-14-318/18 od 24.01.2018, a na zahtjev Organizacije ratnih vojnih invalida općine Bužim, broj: 01-03/18 od 26.02.2018., Općinski načelnik općine Bužim, donosi:

ZAKLJUČAK

o isplati novčanih sredstava iz Budžeta općine Bužim

I

Odobrava se isplata novčanih sredstava iz Budžeta općine Bužim za 2018.godinu Organizaciji ratnih vojnih invalida općine Bužim u ukupnom iznosu od 2.000,00 KM za dodjelu novčanih pomoći pripadnicima boračkih populacija, a shodno članu 1. tačka 9. Odluke o raspodjeli i načinu utroška sredstava na ekonomskom kodu 614311- pozicija grantovi udruženjima boračkih populacija u Službi za opću upravu i društvene djelatnosti.

II

Novčana sredstva iz prethodnog stava će se isplatiti iz Budžeta općine Bužim na račun Organizacije RVI broj: 198 401 105 0008 978 otvoren kod KIB banke, Filijala Bužim.

III

Organizacija ratnih vojnih invalida općine Bužim je obvezna po utrošku sredstava dostaviti finansijski i opisni izvještaj o utrošku namjenskih sredstava najkasnije do 31.12.2018 godine.

IV

O sprovođenju ovog Zaključka starat će se Općinski načelnik putem nadležnih službi.

V

Zaključak stupa na snagu danom donošenja i isti objavit u Službenom glasniku općine Bužim.

Broj: 02-14-747-1/18

Bužim, 08.03.2018

OPĆINSKI NAČELNIK

Zikrija Duraković, dipl.ecc, s.r.

34.

Na osnovu odredbe člana 38. stav 1. tačka 6. i odredbe člana 123. Statuta općine Bužim ("Službeni glasnik općine Bužim", broj: 12/15), te člana 19. Odluke o izvršavanju budžeta općine Bužim za 2018 godinu (Službeni glasnik općine Bužim, broj:11/17),te Odluke o raspodjeli i načinu utroška sredstava na ekonomskom kodu 614311- pozicija grantovi udruženjima boračkih populacija broj:02-14-318/18 od 24.01.2018, a na zahtjev Udruženja demobilisanih boraca odbrambeno-oslobodilačkog rata 1992-1995 Bužim, broj: 04/18 od 25.01.2018., Općinski načelnik općine Bužim, donosi:

ZAKLJUČAK

o isplati novčanih sredstava iz Budžeta općine Bužim

I

Odobrava se isplata novčanih sredstava iz Budžeta općine Bužim za 2018.godinu Udruženju demobilisanih boraca odbrambeno-oslobodilačkog rata 1992-1995 općine Bužim u ukupnom iznosu od 1.000,00 KM, a shodno članu 1. tačka 3. Odluke o raspodjeli i načinu utroška sredstava na ekonomskom kodu 614311- pozicija grantovi udruženjima boračkih populacija u Službi za opću upravu i društvene djelatnosti.

II

Novčana sredstva iz prethodnog stava će se isplatiti iz Budžeta općine Bužim na račun Udruženja demobilisanih boraca odbrambeno-oslobodilačkog rata 1992-1995 općine Bužim broj: 198 401 105 0003 255 otvoren kod KIB banke, Filijala Bužim.

III

Udruženje demobilisanih boraca odbrambeno-

oslobodilačkog rata 1992-1995 općine Bužim je obvezno po utrošku sredstava dostaviti finansijski i opisni izvještaj o utrošku namjenskih sredstava najkasnije do 31.12.2018 godine.

IV

O sprovođenju ovog Zaključka starat će se Općinski načelnik putem nadležnih službi.

V

Zaključak stupa na snagu danom donošenja i isti objavit u Službenom glasniku općine Bužim.

Broj: 02-14-386-1/18

Bužim, 07.03.2018 OPĆINSKI NAČELNIK

Zikrija Duraković, dipl.ecc, s.r.

35.

Na osnovu tačke XIV stav 1. tačka 3. i stava 2. Odluke o uslovima i načinu korištenja sredstava ostvarenih po osnovu posebne naknade za zaštitu od prirodnih i drugih nesreća (Službene novine F BiH broj: 4/12 i 80/13), i člana 17. i 19. Poslovnika o radu Općinskog štaba civilne zaštite općine Bužim broj: 02-44-1011/17 od 04.04.2017. godine, Općinski štab civilne zaštite na svojoj trećoj redovnoj sjednici održanoj dana, 16.02.2018. godine, donosi:

ZAKLJUČAK

o usvajanju Izvještaja **o** prihodima **i** rashodima ostvarenih po osnovu posebnih naknada za zaštitu **i** spašavanje od prirodnih **i** drugih nesreća **u** budžetskoj 2017. godini.

I

Ovim Zaključkom usvaja se izvještaj o prihodima i rashodima ostvarenih po osnovu posebnih

naknada za zaštitu i spašavanje od prirodnih i drugih nesreća u budžetskoj 2017. godini broj: 02/5-44-633/18 od 14.02.2018. godine.

II

Zaključak stupa na snagu danom donošenja a objavit će se u Službenom glasniku općine Bužim.

Broj: 02-44-650/18

Bužim, 19.02.2018 KOMANDANT ŠTABA

Zikrija Duraković, dipl.ecc, s.r.

36.

Na osnovu člana 184. stav 4.. Zakona o zaštiti i spašavanju ljudi i materijalnih dobara od prirodnih i drugih nesreća (Službene novine F BiH 39/03, 22/06 i 43/10), a u vezi sa tačkom XIII stav tri tačka 3. Odluke o uslovima i načinu korištenja sredstava ostvarenih po osnovu posebne naknade za zaštitu od prirodnih i drugih nesreća (Službene novine F BiH broj: 4/12 i 80/13), i Pravilnika o načinu rada i funkcioniranja štaba i povjerenika civilne zaštite (Službene novine F BiH broj: 77/06 i 5/07), na prijedlog Službe za civilnu zaštitu i vatrogastvo općine Bužim, Općinski štab civilne zaštite na svojoj trećoj redovnoj sjednici održanoj dana, 16.02.2018.godine, donosi:

ZAKLJUČAK

o davanju mišljenja na Plan prihoda **i** rashoda sredstava od posebnih naknada zaštite **i** spašavanja za 2018. godinu Službe za civilnu zaštitu **i** vatrogastvo.

I

Ovim Zaključkom Općinski štab civilne zaštite daje mišljenje da je Plan prihoda i rashoda sredstava od posebnih naknada zaštite i spašavanja u 2018. godinu Službe za civilnu zaštitu i vatrogastvo broj: 02/5-44-4040/17 od 13.12.2017. godine u svemu

usklađen sa potrebama provođenja mjera zaštite i spašavanja na području općine Bužim u 2018. godini.

II

Za svaki pojedinačni trošak stavki planiranih troškova u Planu iz tačke I ovog Zaključka, Služba za civilnu zaštitu i vatrogastvo će izraditi odluke i iste dostavljati na usvajanje Štabu civilne zaštite.

III

Zaključak stupa na snagu danom donošenja a objavit će se u Službenom glasniku općine Bužim.

Broj: 02/5-44-589/18

Bužim, 19.02.2018 KOMANDANT ŠTABA

Zikrija Duraković, dipl.ecc, s.r.

37.

Na osnovu tačke XIII stav 3. tačka 3. Odluke o uslovima i načinu korištenja sredstava ostvarenih po osnovu posebne naknade za zaštitu od prirodnih i drugih nesreća (Službene novine F BiH broj: 4/12 i 80/13), i člana 17. i 19. Poslovnika o radu Općinskog štaba civilne zaštite općine Bužim broj: 02-44-1011/17 od 04.04.2017. godine, Općinski štab civilne zaštite na svojoj trećoj redovnoj sjednici održanoj dana, 16.02.2018. godine, donosi:

ZAKLJUČAK

o ispravci u Planu prihoda i rashoda ostvarenih po osnovu posebnih naknada za zaštitu i spašavanje od prirodnih i drugih nesreća u budžetskoj 2018. godini.

I

Ovim Zaključkom vrši se ispravka u Planu prihoda i rashoda ostvarenih po osnovu posebnih naknada za zaštitu i spašavanje od prirodnih i drugih

nesreća u budžetskoj 2018. godini broj: 02/5-44-4040/17 od, 13.12.2017. godine

II

U planu prihoda i rashoda iz tačke I ovog Zaključka vrše se slijedeće izmjene:

Na stranici 1. u stavci Akumulirana sredstva iz prethodnih godina briše se iznos od 128.849,20 KM i dodaje iznos 127.862,60 KM.

Stavka UKUPNO: briše se iznos: 128.849,20 KM i dodaje iznos: 127.862,60 KM.

Razlika za koju se vrši ispravka je 986,60 KM i za isti iznos se umanjuju stavke rashoda pod tačkom C. iz Plana tačke I ovog Zaključka.

III

Zaključak stupa na snagu danom donošenja a objavit će se u Službenom glasniku općine Bužim.

Broj: 02-44-727/18

Bužim, 23.02.2018 KOMANDANT ŠTABA

Zikrija Duraković, dipl.ecc, s.r.

38.

Na osnovu člana 12. i 30. Pravilnika o platama i naknadama uposlenika u Jedinstvenom općinskom organu uprave općine Bužim,(Službeni glasnik općine Bužim, broj:2/15) i člana 10. Odluke o plaćama i naknadama nosioca izvršnih funkcija i savjetnika u Općinskim organima vlasti („Službeni glasnik općine Bužim“, broj: 15/14) Općinski načelnik, donos i:

ZAKLJUČAK

o visini iznosa naknade za ishranu tokom rada (topli obrok) za mjesec februar 2018 godine

Član 1.

Ovim Zaključkom utvrđuje se visina naknade za ishranu tokom rada (topli obrok) za mjesec februar 2018 godine pa nadalje, odnosno ova visina toplog obroka vrijedi dok se ne objavi naredni podatak o prosječnoj isplaćenoj mjesečnoj neto plaći zaposlenih u F BiH.

Član 2.

Na osnovu tačke 1. Saopćenja o prosječnoj isplaćenoj mjesečnoj neto plaći zaposlenih u F BiH za decembar 2017 godine („Službene novine F BiH“, broj: 13/18), utvrđena je prosječna isplaćena mjesečna neto plaća po zaposlenom ostvarena u F BiH za decembar 2017.godine u iznosu od 875,- KM.

Utvrđuje se visina naknade za ishranu tokom rada za mjesec februar 2018 godine u iznosu od 8,75 KM (875 x 1% = 8,75 KM).

Član 3.

Ovaj Zaključak stupa na snagu danom donošenja i isti će se objaviti u „Službenom glasniku Općine Bužim“.

Broj: 02-14-386-1/18

Bužim, 07.03.2018 OPĆINSKI NAČELNIK

Zikrija Duraković, dipl.ecc, s.r.

39.

Na osnovu odredbe člana 38. stav 1. tačka 6. i odredbe člana 123. Statuta općine Bužim ("Službeni glasnik općine Bužim", broj: 12/15), te člana 19. Odluke o izvršavanju budžeta općine Bužim za 2018 godinu (Službeni glasnik općine Bužim, broj:11/17),te Odluke o raspodjeli i načinu utroška sredstava na ekonomskom kodu 614324-pozicija transfer udruženjima građana-ostala udruženja broj: 02-14-425/18 od 29.01.2018, a na zahtjev BZK Preporod Bužim, broj: 06/18 od

22.02.2018., Općinski načelnik općine Bužim, donosi:

ZAKLJUČAK

o isplati novčanih sredstava iz Budžeta općine Bužim

I

Odobrava se isplata novčanih sredstava iz Budžeta općine Bužim za 2018 godinu BZK Preporod Bužim u ukupnom iznosu od 200,00 KM povodom obilježavanja Dana općine Bužim i Dana nezavisnosti BiH, a shodno članu 1. tačka d). Odluke o raspodjeli i utrošku sredstava na ekonomskom kodu 614324-pozicija transfer udruženjima građana- ostala udruženja u Službi za opću upravu i društvene djelatnosti.

II

Novčana sredstva iz prethodnog stava će se isplatiti iz Budžeta općine Bužim na račun BZK Preporod Bužim broj: 3385202216798721 otvoren kod Uni credit Bužim.

III

BZK Preporod Bužim je obvezan po utrošku sredstava dostaviti finansijski i opisni izvještaj o utrošku namjenskih sredstava najkasnije do 31.12.2018 godine.

IV

O sprovođenju ovog Zaključka starat će se Općinski načelnik putem nadležnih službi.

V

Zaključak stupa na snagu danom donošenja i isti objaviti u Službenom glasniku općine Bužim.

Broj: 02-14-723-1/18

Bužim, 27.02.2018 OPĆINSKI NAČELNIK

Zikrija Duraković, dipl.ecc, s.r.

40.

Na osnovu člana 38. stav 1. tačka 6. i člana 123. Statuta općine Bužim ("Službeni glasnik općine Bužim", broj: 12/15), člana 60. Zakona o budžetima u FBiH (Službene novine FBiH, broj: 102/13, 9/14, 13/14, 8/15 i 91/15), te člana 7. Odluke o izvršavanju Budžeta općine Bužim za 2018. godinu ("Službeni glasnik općine Bužim", broj: 11/17) a na zahtjev udruženja Bužimska malina, Općinski načelnik općine Bužim, donosi:

ZAKLJUČAK

- o isplati novčanih sredstava iz Rezerve budžeta općine Bužim

I

Odobrava se isplata iz rezerve budžeta općine Bužim za 2018 godinu Udruženju Bužimska malina u iznosu od 2.320,00 KM za projekat finansiranja seminara za GlobalGap inspektore.

Novčana sredstva iz prethodnog stava će se isplatiti iz Budžeta općine Bužim na račun udruženja Bužimska malina broj :198 401 105 0009 463 otvoren kod KIB bank.

II

O sprovođenju ovog Zaključka starat će se Općinski načelnik putem nadležnih službi.

III

Zaključak stupa na snagu danom donošenja i isti objavit u Službenom glasniku općine Bužim.

Broj: 02-14-622-1/18

Bužim, 19.02.2018 OPĆINSKI NAČELNIK

Zikrija Duraković, dipl.ecc, s.r.

41.

Na osnovu odredbe člana 38. stav 1. tačka 6. i odredbe člana 123. Statuta općine Bužim ("Službeni glasnik općine Bužim", broj: 12/15), te člana 19. Odluke o izvršavanju budžeta općine Bužim za 2018 godinu (Službeni glasnik općine Bužim, broj:11/17), te Odluke o raspodjeli i načinu utroška sredstava na ekonomskom kodu 614324-pozicija transfer udruženjima građana-ostala udruženja broj:02-14-425/18 od 29.01.2018, a na zahtjev BZK Preporod Bužim, broj:05/18 od 15.02.2018., Općinski načelnik općine Bužim, donosi:

ZAKLJUČAK

- o isplati novčanih sredstava iz Budžeta općine Bužim

I

Odobrava se isplata novčanih sredstava iz Budžeta općine Bužim za 2018 godinu BZK Preporod Bužim u ukupnom iznosu od 800,00 KM povodom obilježavanja Dana općine Bužim, a shodno članu 1. tačka d). Odluke o raspodjeli i utrošku sredstava na ekonomskom kodu 614324-pozicija transfer udruženjima građana- ostala udruženja u Službi za opću upravu i društvene djelatnosti.

II

Novčana sredstva iz prethodnog stava će se isplatiti iz Budžeta općine Bužim na račun BZK Preporod Bužim broj: 3385202216798721 otvoren kod Uni credit Bužim.

III

BZK Preporod Bužim je obvezan po utrošku sredstava dostaviti finansijski i opisni izvještaj o utrošku namjenskih sredstava najkasnije do 31.12.2018 godine.

IV

O sprovođenju ovog Zaključka starat će se Općinski načelnik putem nadležnih službi.

V

Zaključak stupa na snagu danom donošenja i isti objavit u Službenom glasniku općine Bužim.

Broj: 02-14-658-1/17

Bužim, 16.02.2018 OPĆINSKI NAČELNIK

Zikrija Duraković, dipl.ecc, s.r.

42.

Na osnovu odredbe člana 38. stav 1. tačka 6. i odredbe člana 123. Statuta općine Bužim ("Službeni glasnik općine Bužim", broj: 12/15), te člana 19. Odluke o izvršavanju budžeta općine Bužim za 2018 godinu (Službeni glasnik općine Bužim, broj:11/17),te Odluke o raspodjeli i načinu utroška sredstava na ekonomskom kodu 614122-transfer za sport u budžetu općine Bužim za 2018 broj:02-14-319/18 od 23.01.2018, a na zahtjev Sportskog saveza općine Bužim, broj: 01-02/18 od 12.02.2018., Općinski načelnik općine Bužim, donosi:

ZAKLJUČAK

o isplati novčanih sredstava iz Budžeta općine Bužim

I

Odobrava se isplata novčanih sredstava iz Budžeta općine Bužim za 2018.godinu Sportskom savezu općine Bužim u ukupnom iznosu od 5.000,00 KM , a shodno članu 1. tačka a) Odluke o raspodjeli i načinu utroška sredstava na ekonomskom kodu 614122- pozicija transfer za sport u budžetu općine Bužim u službi za opću upravu i društvene djelatnosti.

II

Novčana sredstva iz prethodnog stava će se isplatiti iz Budžeta općine Bužim na račun

Sportskog saveza općine Bužim broj: 198 401 105 0000 151 otvoren kod KIB banke Filijala Bužim.

III

Sportski savez općine Bužim je obvezan po utrošku sredstava dostaviti finansijski i opisni izvještaj o utrošku namjenskih sredstava najkasnije do 31.12.2018 godine.

IV

O sprovođenju ovog Zaključka starat će se Općinski načelnik putem nadležnih službi.

V

Zaključak stupa na snagu danom donošenja i isti objavit u Službenom glasniku općine Bužim.

Broj: 02-14-638-1/18

Bužim, 16.02.2018 OPĆINSKI NAČELNIK

Zikrija Duraković, dipl.ecc, s.r.

43.

Na osnovu odredbe člana 38. stav 1. tačka 6. i odredbe člana 123. Statuta općine Bužim ("Službeni glasnik općine Bužim", broj: 12/15), te člana 19. Odluke o izvršavanju budžeta općine Bužim za 2018 godinu (Službeni glasnik općine Bužim, broj:11/17),te Odluke o raspodjeli i načinu utroška sredstava na ekonomskom kodu 614122-transfer za sport u budžetu općine Bužim za 2018 broj:02-14-319/18 od 23.01.2018, a na zahtjev NK Vitez Bužim, broj: 02/18 od 12.02.2018., Općinski načelnik općine Bužim, donosi:

ZAKLJUČAK

o isplati novčanih sredstava iz Budžeta općine Bužim

I

Odobrava se isplata novčanih sredstava iz Budžeta općine Bužim za 2018.godinu Nogometnom klubu Vitez u ukupnom iznosu od 5.000,00 KM, a shodno članu 1. tačka b) Odluke o raspodjeli i načinu utroška sredstava na ekonomskom kodu 614122-pozicija transfer za sport u budžetu općine Bužim u službi za opću upravu i društvene djelatnosti.

II

Novčana sredstva iz prethodnog stava će se isplatiti iz Budžeta općine Bužim na račun NK Vitez Bužim broj: 198 401 105 0000 442 otvoren kod KIB banke, Filijala Bužim.

III

NK Vitez Bužim je obavezan po utrošku sredstava dostaviti finansijski i opisni izvještaj o utrošku namjenskih sredstava najkasnije do 31.12.2018 godine.

IV

O sprovođenju ovog Zaključka starat će se Općinski načelnik putem nadležnih službi.

V

Zaključak stupa na snagu danom donošenja i isti objavit će se u Službenom glasniku općine Bužim.

Broj: 02-14-621-1/18

Bužim, 16.02.2018 OPĆINSKI NAČELNIK

Zikrija Duraković, dipl.ecc, s.r.

44.

Na osnovu odredbe člana člana 38. stav 1. tačka 6., člana 117. i 123. Statuta općine Bužim ("Službeni glasnik općine Bužim", broj: 12/15), člana 24. Odluke o izvršavanju budžeta općine Bužim za 2018. godinu ("Službeni glasnik općine Bužim",

broj: 11/17), Općinski načelnik općine Bužim, je donio:

ZAKLJUČAK

o isplati novčanih sredstava iz Budžeta općine Bužim

I

Odobrava se isplata I rate/ anuiteta iz Budžeta općine Bužim za 2018.god., Razvojnoj banci F BiH sa pozicije otplate dugova, ekonomski kod 823300, namijenjene za povrat kredita iz kojeg je financirana izgradnja sekundarne vodovodne mreže Bužim u iznosu od 10.485,74 USD (američkih dolara) odnosno 16.742,86 KM (konvertibilnih maraka).

Iznos anuiteta utvrđen je na osnovu akta Razvojne banke F BiH, broj:18 od 17.01.2018.godine, preračunato u KM po srednjem kursu Centralne banke BiH-kursna lista broj 015, objavljena na web stranici Centralne banke BiH dana 24.01.2018. godine i akta br.: inter.01-SVM/18 od 24.01.2018.god. i isto čini sastavni dio ovog zaključka.

Novčana sredstva iz ove tačke će se isplatiti iz Budžeta općine Bužim, na račun Razvojne banke F BiH, Sarajevo, na broj: 195 001 000 0001 392.

II

O sprovođenju ovog Zaključka starat će se Služba za finansije i trezor.

III

Zaključak stupa na snagu danom donošenja i isti objavit će se u Službenom glasniku općine Bužim.

Broj: 02-14-248-1/18

Bužim, 24.01.2018 OPĆINSKI NAČELNIK

Zikrija Duraković, dipl.ecc, s.r.

45.

Na osnovu člana 60. Zakona o budžetima u FBiH („Službene novine F BiH“, broj: 102/13, 9/14, 13/14, 8/15, 91/15, 102/15 i 104/16), člana 7. Odluke o izvršavanju budžeta općine Bužim za 2018. godinu („Službeni glasnik općine Bužim“, broj: 11/17),) te člana 123. Statuta općine Bužim („Službeni glasnik općine Bužim“, broj: 12/15), Općinski načelnik, donosi:

Pravilnik

o utvrđivanju kriterija za korištenje sredstva iz Tekuće rezerve budžeta općine Bužim za 2018.godinu

Član 1.

Ovim Pravilnikom utvrđuje se :

- Namjena tekuće rezerve,
- Korisnici tekuće rezerve
- Postupak odobravanja sredstava iz tekuće rezerve ,
- Plaćanja dadžbina po pojedinim davanjima iz tekuće rezerve,
- Knjiženje o korištenju tekuće rezerve ,
- Izvjštavanje o korištenju tekuće rezerve.

Član 2.

Sredstva iz tekuće rezerve planirana u budžetu koriste se za nepredviđene namjene za koje u budžetu nisu planirana sredstva ili za namjene za koje se tokom godine pokaže da za njih nisu utvrđena dovoljna sredstva jer ih pri planiranju budžeta nije bilo moguće predvidjeti.

Visina sredstava tekuće rezerve utvrđuje se u Budžetu općine Bužim za svaku godinu i ista može iznositi najviše do 3% planiranih prihoda bez namjenskih prihoda, vlastitih prihoda i bez primitaka.

Sredstva tekuće rezerve ne mogu se koristiti za pozajmljivanje.

Član 3.

Sredstva tekuće rezerve mogu se odobriti:

- budžetskim korisnicima,
- drugim nivoima vlasti,
- ostalim korisnicima (druga fizička i pravna lica, udruženja građana).

Član 4.

Pri raspoređivanju sredstava tekuće rezerve Općinski načelnik može odobriti sredstva :

- budžetskim korisnicima- za hitne i nepredviđene slučajeve koji nisu mogli biti planirani tokom planiranja i izrade budžeta, za slučajeve čija potrošnja se ne može odložiti za narednu godinu ili potrošnju nije moguće isfinansirati putem raspodjele sredstava u okviru postojećeg budžeta budžetskog korisnika ,
- drugim nivoima vlasti - u slučaju sufinansiranja kapitalnih projekata na području mjesnih zajednica općine, pokriva troškova obilježavanja značajnih datuma za Općinu, pomoć u slučaju održavanja humanitarnih akcija kao i za sufinansiranje drugih potreba koje se ukažu tokom godine ,a za koje nisu ili su u nedovoljnom iznosu predviđena sredstva u budžetu ,

-ostalim korisnicima (drugim fizičkim i pravnim licima) u slučaju sufinansiranja sponzorstva i pokroviteljstva kada se kao sponzor ili pokrovitelj pojavljuje općina, sufinansiranja troškova liječenja građana općine uz priloženu dokumentaciju i drugih slučajeva kada općinski načelnik utvrdi da je od interesa za općinu.

Član 5.

Sredstva tekuće rezerve odobravaju se isključivo na osnovu pismenog zahtjeva koji se podnosi Općinskom načelniku .

U zahtjevu se navodi razlog i opravdanost prijema sredstava ,traženi iznos ,očekivani rezultati koji se žele postići korištenjem sredstava ,plan potrošnje i sl.

Korištenje tekuće rezerve odobrava Općinski načelnik Zaključkom.

Član 6.

Odobrena sredstva iz rezerve isplaćuju se budžetskim korisnicima, drugim nivoima vlasti i ostalim korisnicima na transakcijske račune otvoren kod banke.

Isplate koje podliježu plaćanju odgovorajućih poreza i doprinosa u skladu sa zakonom čine sastavni iznos odobrenih sredstava.

Član 7.

Sredstva tekuće rezerve rasknjižavaju se kad su u pitanju budžetski korisnici na izdatke za koje su odobreni, a za druge subjekte na odgovarajuće grantove.

Član 8.

Korisnik sredstava tekuće rezerve kojem su odobrena sredstva obavezan je u roku od 30 (trideset) dana od momenta isplate sredstava podnijeti finansijski izvještaj o utrošku sredstava Općinskom načelniku.

Član 9.

O korištenju sredstava tekuće rezerve Služba za finansije i trezor je obavezna izvještavati Općinskog načelnika mjesečno.

Općinski načelnik o korištenju sredstava tekuće rezerve polugodišnje izvještava Općinsko vijeće, putem izvještaja o izvršenju budžeta.

Član 10.

Na sve što nije regulisano ovim Pravilnikom primjenjuju se odredbe važećih zakonskih propisa.

Član 11.

Pravilnik stupa na snagu danom donošenja i objavljuje se u „Službenom glasniku općine Bužim“.

Broj: 02-14-646/18

Bužim, 16.02.2018 OPĆINSKI NAČELNIK

Zikrija Duraković, dipl.ecc, s.r.

46.

U skladu sa članom 29. tačka 3. Pravilnika o načinu rada i funkcioniranja štaba i povjerenika civilne zaštite („Službene novine Federacije BiH“ broj: 77/06 i 5/07), člana 13. i 19. Poslovnika o radu Općinskog štaba civilne zaštite općine Bužim broj: 02/5-44-514/14 od 09.02.2018. godine na prijedlog Službe za civilnu zaštitu i vatrogastvo općine Bužim, Općinski štab civilne zaštite na svojoj trećoj redovnoj sjednici održanoj dana, 16.02.2018. godine, daje:

M I Š L J E N J E

- o Programu aktivnosti Općinskog štaba CZ za 2018.godinu.

Program aktivnosti Općinskog štaba CZ za 2018. godinu broj: 02/5-44-596/18 od 09.02.2018. godine, Štab CZ općine Bužim mišljenja je da je isti usklađen sa potrebama obuke u cilju provođenja sopstvenih priprema za uspješno obavljanje operativne funkcije iz svoje nadležnosti i sastavni je dio ovog mišljenja.

Broj: 02/5-44-596-2/18

Bužim, 12.02.2018 KOMANDANT ŠTABA

Zikrija Duraković, dipl.ecc, s.r.

S A D R Ž A J

31. ZAKLJUČAK o usvajanju Informacije o stanju poljoprivrede na području općine Bužim u 2017. godini.....	1
32. ODLUKA o procedurama, uslovima, kriterijima i prioritetima za saniranje šteta nastalih djelovanjem prirodnih i drugih nesreća na području općine Bužim	2
33. ZAKLJUČAK o isplati novčanih sredstava iz Budžeta općine Bužim, broj 02-14-747-1/18.....	8
34. ZAKLJUČAK o isplati novčanih sredstava iz Budžeta općine Bužim, broj 02-14-386-1/18.....	8
35. ZAKLJUČAK o usvajanju Izvještaja o prihodima i rashodima ostavrenih po osnovu posebnih naknada za zaštitu i spašavanje od prirodnih i drugih nesreća u budžetskoj 2017. godini.	9
36. ZAKLJUČAK o davanju mišljenja na Plan prihoda i rashoda sredstava od posebnih naknada zaštite i spašavanja za 2018. godinu Službe za civilnu zaštitu i vatrogastvo.....	9
37. ZAKLJUČAK o ispravci u Planu prihoda i rashoda ostavrenih po osnovu posebnih naknada za zaštitu i spašavanje od prirodnih i drugih nesreća u budžetskoj 2018. godini.....	10
38. ZAKLJUČAK o visini iznosa naknade za ishranu tokom rada (topli obrok) za mjesec februar 2018 godine.....	10
39. ZAKLJUČAK o isplati novčanih sredstava iz Budžeta općine Bužim, broj 02-14-723-1/18.....	11
40. ZAKLJUČAK o isplati novčanih sredstava iz Rezerve budžeta općine Bužim, broj 02-14-622-1/18.....	12
41. ZAKLJUČAK o isplati novčanih sredstava iz Budžeta općine Bužim, broj 02-14-658-1/17	12
42. ZAKLJUČAK o isplati novčanih sredstava iz Budžeta općine Bužim, broj 02-14-638-1/18	13
43. ZAKLJUČAK o isplati novčanih sredstava iz Budžeta općine Bužim, broj 02-14-621-1/18	13
44. ZAKLJUČAK o isplati novčanih sredstava iz Budžeta općine Bužim, broj 02-14-248-1/18	14
45. PRAVILNIK o utvrđivanju kriterija za korištenje sredstva iz Tekuće rezerve budžeta općine Bužim za 2018.godinu	15
46. MIŠLJENJE o Programu aktivnosti Općinskog štaba CZ za 2018.godinu.....	16